



Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. III. An Beati Deum comprehendant, vel saltem, de potentia absoluta,
ipsum comprehendere possint?

[urn:nbn:de:hbz:466:1-77232](#)

perfectiorem; & perfectior voluntas, cum eodem habitu charitatis, & spei, producit actus intensiores, & perfectiores illarum virtutum, quam alia minus perfecta: Ergo similiter, intellectus perspicacior, cum aequali lumine gloriae, perfectius Deum videbit, quam alter qui est minoris perspicaciae, & activitatis.

19. Confirmatur secundum: Intellectus perfectior, cum aequali lumine gloriae, potest magis vel minus perfecte conari ad actum: Ergo & elicere perfectorem visionem. Consequenter viderur manifesta, Antecedens probatur. Habitus subordinant conatum potentiae, & ab illa applicantur ad agendum: Ergo intellectus perfectior, cum aequali lumine gloriae, potest magis vel minus perfecte conari ad actum.

20. Ad objectionem patet solutio ex supra dictis: Major enim est vera, quando causa perfectior influui per se ut perfectior, vel ut habet virtutem proximam & immediatam in effectum; secus autem quando concurret tantum secundum virtutem radicalem, & major ejus perfectio, materialiter se habet, & per accidens, ut contingit in proposito. Unde patet disparitas ad exempla adducta: Nam species, & lumen, proxime & immediate influunt in visionem, & habent vim proximam ad agendum, saltem partialem & incompletam. Idem servata proportione de pictoribus in aequali industria, vel in aequalibus instrumentis utensibus, dicendum est. Intellectus autem creatus, solum radicaliter concurreat ad visionem beatam, nec confer seorsim activitatem & virtutem proximam ad agendum, sed suam quam habet, subicit lumini gloriae, ut elevabilem ab ipso; sive redditur una tantum virtus proportionata, & proxima ad visionem.

21. Ad primam confirmationem dicendum, in actu fidei duo esse distingua; primum est apprehensio objecti credibili: secundum assensus supernaturalis, quo homo credit mysterijs revelatis. Primus actus est naturalis, ac proinde potest esse perfectior in perfectiori intellectu. Secundus vero est supernaturalis, unde non commensuratur perfectioni naturali intellectus, sed intentioni, & perfectioni habitus, vel auxiliij supernaturalis, a quo immediatè procedit. Nihil etiam confer naturalis perfectio voluntatis, ad actus supernaturales spei, & charitatis; sed tota etiam illorum perfectio mensuratur ab intentione, & perfectione habitus, vel auxiliij supernaturalis, eam elevantis ad operandum.

22. Ad secundam confirmationem, nego. Antecedens, conatus enim potentiae non est aliquid antecedens actum, sed ipse actus ut emanans a suo principio; & ideo sicut habitui tribuitur esse principium actus, ita & conatus ad actum. Unde sicut habitus supernaturales dant potentias posse operari, quia dant eis virtutem, & efficaciam proximam; ita dant eis posse conari ad operandum.

A

ARTICVLVS III.

An Beati Deum comprehendant, vel saltem de potentia absoluta, ipsum comprehenderem posse?

§. I.

Quibusdam premis referuntur sententiae.

Pro resolutione hujus difficultatis diligenter observandum est, nomen comprehensionis ex comprehensione corpora fuisse ad spiritualem translatum: Unde hunc in rebus corporis comprehensionis sumitur duplice, vel large, prout opponitur insecuratio: quo sensu, quando quis latronem quem in sequitur apprehendit & capit, eti non totum teneat, sed partem, ipsum dicitur comprehendere: vel strictè, pro inclusione & continentia, quā unum corpus quantum continet intra se totum aliud corpus; ut cū manus ita continet totum aliquem globum, ut nihil ejus sit extra illam. Ita similiter in rebus spiritualibus comprehensionis duobus modis usurpari solet, primo largè & impropriè, pro affectione & obtentione seu possessione ejus quod desiderabatur, ut constat ex illo Apostoli 1. ad Corinth. 9. Sic currite ut comprehendatis, & ex illo ad Philipp. 3. Sequor autem si quomodo comprehendam. Et in hoc sensu beati appellantur comprehensores. Et Nazianzenus orat. 34. dixit, Comprehensionem divine essentiae, premium esse omnium beatorum. Et hoc modo (ut observat D. Thomas hic art. 7. ad 1.) comprehensionis est una de tribus dotibus animæ, quæ respondet spei, sicut visio fidei, & fructus charitati. Secundum sumitur comprehensionis strictè & propriè, pro cognitione objecti undequaque perfecta, id est adæquata cum objecti cognoscibilitate, per quam objectum cognoscitur, quantum cognoscibile est. Et de comprehensione sic accepta loquimur in praesenti, dum inquirimus, an Beati Deum comprehendant, vel saltem de potentia absoluta ipsum comprehendere possint?

In cuius difficultatis resolutione: In primis est error Eunomii, & aliorum Anomaeorum, qui (ut supra ostendimus) eō dementiae pervenerunt, ut comprehensivam Dei cognitionem sibi arrogarent, & tantam Dei notitiam quantum Deus de seipso habet, se habere jactarent. Secundum est error Augustini de Roma, Episcopi Nazareni, qui assertebat animam Christi videre Deum clarè & intensè, sicut Deus ipse seipsum, quod est ipsum comprehendere. Tertiò est aliorum Theologorum sententia, qui licet beatos Deum de facto non comprehendere fateantur, existimant tamen de absoluta potentia fieri posse, quod comprehendatur Deus, vel aliquod ejus attributum, ab aliqua creatura: quia (inquit) potest Deus infundere ipsi lumen gloriae infinitè intensum, vel suam intentionem ei unire; in quibus casibus ab intellectu creato comprehendetur. Huius sententiae favebat Vazquez hic tota disp. 52. ubi respondens locis Scriptura, Conciliorum, & Patrum, quibus incomprehensibilis Dei ostenditur, affirmat non esse de fide quod Deus si incomprehensibilis in ordine ad absolutam Dei potentiam, sed solum quod sit incomprehensibilis respectu cognitionis naturalis creature; sicut Deus dicitur in Scriptura invisibilis, & ineffabilis: tamen constat quod solum est invisibilis cognitioni naturali, non vero supernatura li, & beatificæ.



§. II.

Statuitur prima conclusio, & Deum à beatis de facto non comprehendendi, ex Concilio & SS. Patribus demonstratur.

Dico primò : Beati de facto Deum non comprehendunt. Conclusio est certa de fide , ac definita in Concilio Basileensi fess. 22. ubi prædicta propositio Augustini Romani, afferentis *animam Christi videre Deum tam clare & intense,* sicut Deus seipsum, ut erronee proscriptibit. Cui definitioni maxima fides adhibenda est , quia damnatio illa facta fuit anno 1435. antequam anno 1437. dissolvetur Concilium à Pontifice , & fuit approbata per bullam Nicolai V. qui succedit Eugenio IV. ut habetur in Summa Conciliorum , in fine Concilij Basileensis.

Docetur etiam nostra conclusio passim à SS. Patribus , Anomœorum stoliditatem & insaniam refellentibus, præsertim à Chrysostomo , in homilijs de incomprehensibili Dei natura , Basilio libro contra Eunonium , Augustino serm. 38. de verbis Domini cap. 3. ubi sic ait : *De Deo loquimur, quid mirum, si non comprehendit? Si enim comprehendit, non est Deus. Sit pia confessio ignorantie, magis quam temeraria profectio scientie.* Attinere aliquantum mente Deum, magna beatitudo est : comprehendere autem omnino impossibile. Idem docet Gregorius Magnus libro 18. moralium cap. 28. versus finem, his verbis : *Videbimus igitur Deum &c. non tamen ita videbimus, sicut videt ipse seipsum.* Longè quippe dissimiliter videt Creator se , quam videt creatura Creatorem . Nam quantum ad imminutatem Dei , quidam nobis modus presigitur contemplationis : quia eo ipso pondere circumscríbimur, quo creatura sumus. Bellè etiam Cyprianus , vel Author de cardinalibus Christi operibus , apud Cyprianum , loquens de Seraphim qui stabant super Thronum Dei , & circa illum volabant, Isaia 6. hæc scribit, *Statu eternitatis immobilitatem demonstrant, rotat vero altitudinem eius, sic in superioribus elatam, ut quantumlibet ad cor altum homo ascendat, exaltetur Deus, & comprehensionis importunitatem evadat.*

Insignis quoque est locus ex S. Epiphanius heresi 70. defunctus : ibi enim ait Deum & *egregio*, id est aspectabilem esse , & simul *egregio*, id est minimè aspectabilem ; quia licet à beatis videatur, ab ipsis tamen nequaquam comprehendendit; nec quantum in se visibilis est, conspicitur. Quod subinde dupli exemplo declarat : *Veluti si quis per angustum foramen cælum aspiciat, ac dicat: Video cælum: non utique mentietur; videt enim revera cælum.* Quid si quis prudenter ei dicat, non vidisti cælum , neque iste mentietur. Tam enim qui ait vidisse , non mentitur, quam qui ei dicit, non ipsum vidisse, vera loquitur. Quippe non vidit illius exhortationem , neque latitudinem. Subiicit aliud exemplum ad rei declarationem evidenter. Sæpe (inquit) accidit, ut ex alto montis vertice mare prospiciamus. Quid si nos illud vidisse dicamus, non mentiemur, neque si contradixerit aliquis , ac vidisse nos negaverit, non ille falsum dicet : propterea quod, cum homo sit, quod illius latitudo , aut longitudine periret; quācumque alti sint voraginis illius recessus , sed nec illius effecta pervidere potest.

Hac authoritate & doctrinâ Epiphanij, facile intelliges & expones plura Patrum Græcorum, præ-

A tertium Chrysostomi & Basilij, testimonia, quibus ex una parte, beatos Deum facie ad faciem, & non solum per fidem, sed etiam per speciem videre testantur; ex alia vero , dum contra Anomœos disputant, Deum à nullo intellectu creato, etiam angelico , videri affirmant. Nam quando claram Dei visionem beatis concedunt, de cognitione quidditatia & intuitiva loquuntur; cùm vero à nullo intellectu creato , etiam angelico, Deum videri afferunt, de visione & cognitione comprehensiva Dei (qualem Anomœi sibi arrogabant) intelligendi sunt; ut S. Thomas hic art. 1. ad 1. expōnit Chrysostomum , dum homil. 14. in Joan. ait : *Ipsum quod est Deus, non solum Prophetæ, sed nec Angeli viderunt, neque Archangeli.* De quo suprà disp. 1. art. 2. §. 2. Haec conclusio magis patet ex dicendis in sequenti, ubi rationem fundamentalē divinæ incomprehensibilitatis exponemus.

§. III.

Stabilitur secunda conclusio, & ostenditur ratio ne D. Thomæ, nullum intellectum creatum posse, etiam de potentia absoluta, Dei essentiam comprehendere.

Dico secundo : Nullus intellectus potest ; etiam de absoluta potentia , Dei essentiam comprehendere.

Probatur conclusio ratione fundamentali, quam insinuat D. Thomas varijs in locis, præsertim in 3. sent. dist. 14. qu. 1. art. 2. quæstiunc. 1. & in 4. dist. 49. quæstiunc. 2. art. 3. & ad Annibaldum distinctione eadem art. 1. ad 2. his verbis : *Quando essentia rei cognoscitur, secundum modum sue cognoscibilitatis, tunc res comprehenditur: sed hoc in visione Dei esse non potest, quia claritas divina essentiae, per quam est cognoscibilis, est infinita: modus autem intellectus creati videntis non potest esse infinitus: & id est non comprehenditur, non quia totum non videat, sed quia totaliter non videt; videt enim finitè quod de se est visibile infinite.* Et hic art. 7. in solutione argumentorum clarè fatetur, totum Deum videri & cognosci à beato , absque eo quod aliquid Dei remaneat non visum & non cognitum , sed inquit non videri totaliter , totalitate se tenente ex parte cognoscētis ; quia non tantè perfectione vel intellectuallitate activa Deum cognoscit , quanta est intelligibilitas seu cognoscibilitas Dei.

Ex his sic licet arguere : Tunc aliquid comprehenditur , quando ita perfectè cognoscitur, sicut cognoscibile est : Sed licet Deus totus à beatis videatur, ab illis tamen non videtur, nec videri potest vel cognosci ita perfectè , sicut ex suis meritis petit cognoscēti ex parte modi cognoscendi : Ergo nec comprehenditur , nec potest comprehendari ab intellectu beatorum. Majorem probat S. Doctor primò ex definitione comprehensionis data ab Augustino epist. 112. cap. 9. ubi dicit quod totum comprehenditur videndo, quod ita videtur, ut nihil eius lateat videntem, aut cuius fines circumspici vel circumscribi possunt. Tunc enim subdit S. Thomas) fines aliquas circumspiciuntur, quando ad finem in modo cognoscendi illam rem pervenitur.

Secundò illam probat hoc exemplo : Conclusio demonstrabilis , quia petit cognoscēti modo demonstrativo , non comprehenditur, si opinativè tantum cognoscatur, esto nulla pars illius ab opinante ignoretur : Ergo ad rei comprehensionem

exigitur commensuratio sive adæquatio cognitionis cum objecto, nedum quoad formalitates & prædicta cognita, verum etiam quoad modum passus cognoscibilitatis; id est quod cognoscatur eo modo quo ex proprijs meritis petit cognosci.

Quod magis explicatur: Plus enim distat modus cognitionis infinita, à modo cognitionis finita, quam modus demonstrationis, à modo opinativo: Sed cognoscibile demonstrativè, non comprehenditur a cognoscente illud opinativè: Ergo cognoscibile modo infinito, non potest comprehendere a cognoscente illud per finitam cognitionem.

Minor verò quæ asserit implicare contradictionem, quod intellectus creatus cognoscet divinam essentiam, quantum est cognoscibilis ex parte modi cognoscendi, ostenditur primò. Tunc aliquid cognoscitur quantum est cognoscibile in modo cognoscendi, quando modus cognoscens est modus objecti cogniti, ut explicat D. Thomas h̄c art. 7, ad 3. Sed implicat modum intellectus creatus cognoscens, esse vel adæquare modum Dei ut cognoscibilis: Ergo implicat intellectum creatum cognoscere divinam essentiam, quantum est cognoscibilis ex parte modi cognoscendi.

Secundò, Deus cùm sit infinita immaterialitas, est etiam infinita intelligibilitatis: Sed nulla cognitione intellectui creato possibilis, esse potest infinita per essentiam in ratione cognitionis: Ergo nullus intellectus creatus potest Dei essentiam cognoscere, quantum cognoscibilis est, ex parte modi cognoscendi.

Tertiò, Modus cognitionis divina non excedit, sed tantum adæquat modum cognoscibilitatis Dei: Atqui nulla intellectio possibilis intellectui creato, potest adæquare modum cognitionis divinae: Ergo nec modum passiva intelligibilitatis divinae essentia.

Denique, Quia divina cognoscibilitas fundatur in summa actualitate, qua nulli creature potest communicari, non est dabilis creatura cuius intelligibilitas adæquetur cum intelligibilitate divina: Atqui etiam aetiva intellectualitas sequitur ad immaterialitatem; nullaque virtus cognoscitiva, vel aetialis cognitione creata, potest adæquare immaterialitatem divinam: Ergo non est dabilis creata cognitione, cuius modus adæquetur cum modo cognoscibilitatis divinae.

§. IV.

Solvuntur objectiones.

28. **O**bijecies primò contra primam conclusiōnem: Anima Christi Deum comprehendit: Ergo Deus ab aliquo beato de facto comprehenditur. Consequentia patet, Antecedens probatur primò ex Isidoro cap. 2. in Exodum, ubi sic ait: *Sola fbi integrè nota est Trinitas, & humanitati suscepit.* At hoc non nisi de cognitione comprehensiva intelligi possunt, cùm integrā Trinitatis cognitione, competens ipsi Trinitati, vera sit Deitatis comprehensio: Ergo Anima Christi Deum comprehendit.

Secundò probatur idem Antecedens. Anima Christi per scientiam beatam videt omnia quæ Deus cognoscit scientiā visionis: Ergo talem scientiam comprehendit. Antecedens est D. Thomas 3. p. quæst. 10. art. 2. ad 2. ubi ait: *Anima Christi scit omnia quæ Deus in seipso cognoscit*

A per scientiam visionis. Et in resp. ad 3. asserit quod scientia animæ Christi, quam habet in verbo, parificatur scientiæ visionis, quam Deus habet in seipso, quantum ad numerum scilicet. Consequentia vero videtur manifesta: Sicut enim Anima Christi comprehendet scientiā simplicis intelligentiæ, si attingeret omnia possibilia ad quæ extenditur: ita comprehendit scientiam visionis, si videat omnia & singula ad quæ terminatur; siquidem ad comprehendendam aliquam scientiam, sufficit attingere illam, & omnia objecta ad quæ se extendit.

Respondeo negando Antecedens: Ut enim supra ostendimus, de fide certum est, & in Concilio Basileensi definitum, animam Christinam videre Deum tam claram & intensè, sicut Deus seipsum videt, subindeque ipsum non comprehendere. Unde scit Albertus Magnus in 3. dist. 14. art. 1. *Solus Deus comprehendit se, si enim dicemus eum concludi comprehensionem capacitatris animæ Christi, videtur mihi quod hoc redundaret in blasphemiam deitatis Christi.*

Ad primam probationem in contrarium respondeo ex D. Thoma 3. p. quæst. 10. art. 1. ad 1. Isidorum hoc dixisse propter excellentissimam cognitionem convenientem animæ Christi Domini, qua nulli alteri creature est communis, integraque appellatur; non quia sit comprehensiva Dei, nec maxima inter possibiles de potentia Dei absolute, sed quia est suprema inter possibiles, de lege statuta. Quemadmodum anima Christi dicitur Ioh. 1. plena gratiâ habituali, non quod non sit possibilis major & intensior gratia, de potentia Dei absolute, sed quia de lege ordinaria, major & intensior dari nequit.

Ad secundam, concessio Antecedente, nego Consequentiam; ad cuius probationem nego pariter Consequentiam & paritatem: nam scientia simplicis intelligentiæ habet pro objecto adæquato & necessario sibi correspondenti ultra quod non potest se extenderet, omnes effectus possibiles; unde qui omnes illos ex vi visionis beatifica attingeret, non posset non attingere ejus objectum adæquatum & necessarium, ultra quod progedi nequit, ac proinde non posset illum non comprehendere. At scientia visionis, ut respicit creature, liberè terminatur ad illas; & ita posset ipsa, secundum suam entitatem invariata permanente, ad plures alias ex libera Dei voluntate terminari, si Deus illas producere decrevisset. Unde ex eo quod cognoscantur omnia, ad quæ de facto se extendit, non bene colligitur talem scientiam comprehendendi, siquidem eadem posset ad plura alia objecta se extenderet. Aliam solutionem & disparitatem dabimus in Tractatu de Incarnatione, quæ hujus argumenti difficultas plenius & facilius resolvetur.

Dij. p. 16. art. 3. 30.
Objecies secundo: Comprehendere Deum, est cognoscere illum totum & totaliter: Sed beati videntes Deum, illum totum & totaliter cognoscunt: Ergo illum comprehendunt. Major constat ex supra dictis, Minor probatur. Quando dicitur quod comprehendere Deum, est illum cognoscere totaliter, vel ly to aliter dicit modum videntis, vel modum rei visæ? Si dicat modum rei visæ, Deus totaliter videtur, quia videtur sicut est. Si verò dicit modum ex parte videntis, etiam hoc modo totaliter videtur, quia videntis Deum, tota sua virtute & conatu illū videt: Ergo beati videntes Deum, illum totum & totaliter cognoscunt.

Respondeo concessa Majori, negando Minorum

DE ACTV VISIONIS BEATIFICAÆ. 161

rem, ad cuius probationem responderet D. Thomas hic art. 7. ad 3. Quod ly totaliter dicit modum objecti: non quidem ita quod totus modus objecti non cedat sub cognitione, sed quia modus objecti non est modus cognoscens. Qui igitur videt Deum per essentiam, videt hoc in eo quod infinitè existit, & infinitè cognoscibilis est: Sed hic infinitus modus non competit ei, ut scilicet infinitè cognoscatur. Sicut alius probabilitate scire potest aliquam propositionem esse demonstrabilem, licet ipse eam demonstrative non cognoscatur.

31. Dices, Beatus videns Deum, ipsum infinito modo cognoscit; nam licet lumen glorie elevans ejus intellectum, finitum sit, essentia tamen divina, per modum speciei ipsi unita, & se habens ut principium formale agendi, infinita est per essentiam: Ergo videt Deum totaliter, non solum ex parte cognoscens, sed etiam ex parte rei cognitæ, & adæqua in modo cognoscibilitatem divinam.

Sed nego Consequentiam: licet enim essentia divina concurrens per modum speciei ad visionem beatificam, infinita sit per essentiam, non participatur tamen ab intellectu creato perfectè, id est secundum tortum posse, sed imperfectè, id est modò limitatò, propter luminis glorie limitationem: unde intellectus beati, illù informatus seu actuatus, non elicit visionem beatificam, Dei intelligibilitatem adæquantem, nec ita perfectè divinam essentiam videt, sicut visibilis est.

32. Objicies tertio contra secundam conclusio nem. Probabile est quod possit de potentia ab soluta produci lumen gloriae infinitè intensem: Sed intellectus creatus tali lumine elevatus, Deum comprehendenter; cum D. Thomas hic art. 7. ex eo probet non posse intellectum creatum Dei essentiam comprehendere, quia lumen elevans, dansque virtutem ad Dei essentiam videntem, finitum & limitatum est: Ergo saltem de potentia absoluta, intellectus creatus Deum potest comprehendere.

Respondeo negando Majorem, sententia enim affirmans posse de potentia absoluta dari lumen gloriae infinitè intensem, non est probabilis, sed evidenter falsa; nam lumen gloriae infinitè intensem repugnat, tum ex parte ipsius luminis, quia cum dicat essentiam finitam, non potest esse capax intentionis infinitæ; unde licet partiper lumen divinum, debet illud finitò modò participare: tum etiam ex parte subjecti, quia cum inter perfectivum & perfectibile debeat esse proportio, subjectum finitum, quale est intellectus creatus, non est capax accidentis actu infinitè intensi, licet sit capax accidentis infinitè intensi in potentia, & sicut agorematice, ut loquuntur Philosophi.

Addunt aliqui, quod licet admitteretur posse dari lumen gloriae infinitè intensem, quia tamen non est infinitum per essentiam, sed tantum per participationem, subindeque essentiam divinam in perfectione & actualitate non adæquaret, Deum non comprehendenter. Sed hæc solutio non videtur confona doctrinæ D. Thomæ: nam hic art. 7. ad probandum nullum intellectum creatum posse Deum comprehendere, sic discurrit: Intantum intellectus creatus divinam essentiam perfectius vel minus perfectè cognoscit, in quantum majori vel minori lumine glorie perfunditur: cum igitur lumen glorie creatum, in quocumque intellectu receptum, non possit esse infinitum, impossibile est quod aliqua

Tom. I.

A intellectus Deum infinitè cognoscit, unde impossibile est quod Deum comprehendat. In quo dis cursu S. Doctor ut certum supponit, quod lumen gloriae infinitè intensem, Deum comprehendenter. Quia nimur, si per impossibile illud daretur, cum ex uno impossibili, sequatur aliud impossibile, tale lumen deberet esse infinita immaterialitas, & actus purus, sicut Deus; subindeque tantum habere de virtute cognoscitiva, & intellectiva, quantum essentia divina cognoscibilitatis & intelligibilitatis habet.

B Objicies quartu: De absoluta potentia intellectus creatus per intellectuam divinam, sibi sub ratione intellectuam unitam, intelligere potest: At intellectus creatus si intelligens, comprehendenter Deum; cum enim increata Dei cognitio, unita intellectui creato, infinita sit actualitas, adæquansque Dei cognoscibilitatem; & aliunde ab intellectu creato non procedat, non est cur lumini elevanti proportionanda sit, nec cur intellectum creatum non constituerat comprehendentem Deum: Ergo de potentia absoluta, intellectus creatus Deum comprehendere potest.

C Respondeo primò, negando Majorem, ut enim in Tractatu de beatitudine ostendemus, repugnat hominem vel Angelum increata Dei visione beatificari, vel Deum per modum intellectuam ipsorum intellectui uniri. Item in Tractatu de Incarnatione demonstrabimus, intellectum Christi humanum, increata Dei intellectu non posse intelligere.

D Respondeo secundò, data Majori, negando Minorem: non minus enim est comprehensiva sui divina essentia, sub ratione verbi, quam sub conceptu intellectu; & tamen de facto unitur mentibus beatorum, ut verbum, absque eo quod uniat illi, ut est comprehensiva: Ergo pariter, quamvis divina intellectio sit comprehensiva Dei, & licet unibilis esset intellectui creato, posset tamen uniri sub ratione cognitionis quidditativa, cum repugnat ut uniretur sub ratione comprehensionis, & ut intellectum creatum comprehendenter Deum constitueret: quia nimur uniretr ipsi finito modo, & juxta capacitem & proportionem potentie finitæ; sicut licet persona Verbi si sancta per essentiam, & immediatè per seipsum sanctificet humanitatem assumptam, illam tamen sanctam per essentiam non constituit (quia talis sanctitatis humanitas capax non est) sed duntaxat per participationem, & gratuitam communicationem.

E Cōfirmatur: Si intellectio divina & increata posset uniri intellectui creato, & sic unita ipsum comprehendentem divinam essentiam denominare & constituere: cur etiam generatio quæ est in Patre, non posset uniri adæquate cum intellectu creato, & reddere illum generantem, & Patrem Verbi Divini? Sed hoc absurdissimum est, & à communī Theologorum sensu penitus alienum; Ergo & illud.

Quod si dicas intellectum creatum, utpote finitum & limitatum, non habere debitam capacitatem & proportionem, ut hanc denominationem recipiat: idem dicam de comprehensione, non minus enim comprehensionis infinita petit principium infinitum sibi proportionatum, quam generatio Verbi. Inò major est perfectio divinæ comprehensionis, quæ absoluta est, & absolute infinita, & citra opinionem infinitè perfecta, quæ generatio Verbi, quæ relativa est, & an dicat

X.

perfectionem vel non, sub opinione positum; ut recte observavit Ildephonse Michael, quest. 12. art. 7. dubio unico.

§. IV.

Solvitur alia objectio.

36. **O**bijices ultimò: Ad comprehensionem non requiritur quod modus cognitionis aut cognoscens adaequat modum rei cognitæ, sed sufficit totum objectum cognosci, ita ut nulla ejus formalitas, nihilque in illo contentum eminenter, lateat cognoscens: Ergo ruit præcipuum fundamentum nostra conclusionis. Consequens patet ex supra dictis, Antecedens probatur primò. Cùm nomen comprehensionis ex comprehensione corporeæ sit ad spiritualem translatum, id sufficit in cognitione, ut sit spiritualis comprehensionis objecti, quod sufficit in quantitate ut aliam quantitatem corporaliter comprehendat: Sed ut una quantitas corporaliter aliam comprehendat, non requiritur quod ejus entitatem adaequat, sed sufficit quod nihil talis quantitatibus extra aliam reperiatur; auti enim sphæra v. g. perfectè potest à ferrea comprehendendi, quamvis hæc ab illa in entitate excedatur: Ergo ad comprehensionem non requiritur quod modus cognitionis aut cognoscens adaequat modum rei cognitæ, sed sufficit totum objectum ita cognosci, ut nihil in illo formaliter vel eminenter contentum lateat cognoscens.

37. Secundo, D. Thomas hic art. 8. & 3. p. quest. 10. art. 2. ex cognitione omnium possibilium in Verbo, infert Deum fore comprehendendum: At si cognition attingens omnia, qua in objecto formaliter & eminenter continentur, non adaequans tamen in entitate, vel modo, entitatem aut modum objecti, non esset illius comprehensio, illatio D. Thomæ non valeret: Ergo ad rei comprehensionem talis adæquatio non requiritur.

38. Tertiò, Si requireretur talis adæquatio, sequeretur quod Angelus superior non comprehendet inferiorem, immo nec muscam, vel formicam, aut alias res sibi inferiores: Sed hoc videtur absurdum: Ergo & illud. Sequela Majoris videtur manifesta: cognition enim Angeli superioris non adæquat in entitate & perfectione Angelum inferiorem, nec muscam, aut formicam; eo quod cognition sit accidentis & qualitas, hæc verò objecta sunt entitates substantiales: accidentia verò quecunq; præcipiunt, si sunt ordinis naturalis, non adæquat perfectionem substantiarum, præsertim earum que complete sunt, & subsistentes; & minus earum que spirituales sunt, ut est quilibet Angelus, quantumlibet inferior: Ergo si cognition comprehensiva debeat in sua perfectione adæquare perfectionem objecti comprehensi, Angelus superior non comprehendet inferiorem, immo nec muscam, vel formicam.

39. Denique, Sententia probabilis est, quod Angelus inferior superiorum comprehendit: At modus cognoscens aut cognitionis Angeli inferioris, non adæquat modum cognoscibilitatis Angeli superioris, cùm Angelus inferior non adæquat superiorum in ratione immaterialitatis, ad quam sequitur cognoscibilitas: Ergo talis adæquatio ad comprehensionem non requiritur.

40. Huic argumento, quod est præcipuum fundamentum adversa sententia, respondeo negando Antecedens, & ad primam ejus probationem, nego Majoris: licet enim nomen comprehensionis, ex corporeæ ad spiritualem translatum fuerit, po-

A test tamén ad intellectualem comprehensionem ali quid exigi, quod non requiritur ad corpoream; ad hanc enim non exigitur quod circumscriptio fiat ex vi ejusdem quantitatis, nec quod ambientur extrinseca ad quæ res comprehensa dicit habitu dinem; & tamén ad intelligibilem comprehensionem utrumque necessarium est, nempe quod ex vi ejusdem cognitionis, omnia in objecto cognoscibilia attingantur, ut fatetur Vazquez, cuius est hoc argumentum. Pariter ergo adæquatio in immaterialitate, seu in modo cognitionis, & objecti cognoscibilitate, exigi potest ad comprehensionem intellectualem, quamvis ad comprehensionem corpoream similis adæquatio non requiratur:

B Ad secundam nego Minorem, ut enim patebit ex infra dicendis, non stat cognitionis omnium possibilium in essentia divina, ita ut essentia sit ratio ea cognoscendi, absque eo quod illa cognoscatur, quantum cognoscibilis est. Unde ex cognitione omnium possibilium in essentia divina, tanquam in causa, ejus comprehensionem recte colligitur, si non a priori, saltem a posteriori.

C Ad tertiam nego sequelam Majoris, & ad ejus probationem dico, ad rationem comprehensionis non requiri adæquationem absolutam seu entitativam cognitionis cum objecto; ita quod cognition sit substantia, si objectum substantia est; alioquin nulla substantia, posset comprehendendi ab aliquo intellectu creato, cùm omnis intellectus creatus, omnisque illius cognitionis, accidentia sint;

D sed sufficere adæquationem in propria linea intellectuali & cognoscitiva; hoc est quod tanta sit cognition in ratione cognitionis, quantum fuerit objectum in ratione cognoscibilis; ita ut si objectum fuerit cognoscibile demonstrabiliter, cognition sit demonstrativa; si fuerit cognoscibile modo infinito, cognition sit infinita in ratione cognitionis: unde cum cognition quā Angelus superior cognoscit in inferiore, vel muscam, aut formicam, tanta sit, immo & multo major in ratione cognitionis, quam sint objecta illa in ratione cognoscibilis, comprehensiva est, quamvis objecta illa entitativè & materialiter non adæquat: & contra vero, cùm visio beatifica cuiusque creature existens, aut possibilis, tamen adæquationem cum essentia divina, utpote infinitè cognoscibili, habere nequeat, implicat Deum à quacunque creatura existenti vel possibili comprehendendi.

E Addo cum Ildephonse Michaeli, proportionem & adæquationem requisitam ad comprehensionem objecti, debere pensari & attenendi, penes ipsum intelligentem, & rem intellectam: v. g. inter ipsum Angelum & Hominem, vel Angelum superiorem & inferiorem; unde licet intellectio Angeli superioris, non adæquetur cum entitate Angeli inferioris; tamen quia hæc intellectio egreditur à subjecto & principio intellectivo equali, vel superiori, Angelo inferiori, potest cognition Angeli superioris comprehendere Angelum inferiorem; quia quamvis ipsa in sua entitate non adæquat objectum, adæquat tamen illud, ratione principij & radicis à qua egreditur.

F Hanc solutionem & doctrinam declarat & illustrat exemplò causæ efficientis principalis, quæ deber habere æqualem vel majorem perfectionem, quam effectus ab ipsa productus; & tamen actio quæ illum producit, utpote accidens, non adæquat perfectionem effectus, qui interdum est substantia; ut cùm homo generat alium hominem, vel cùm Sol producit aurum & gemmas in

47
Diss. 5.
art. 5.

48

49

DE ACTV VISIONIS BEATIFICA.

163

viceribus terræ. Sicut ergo licet talis actio , ut pote accidens , secundum entitatem non adaequat effectus illos , qui sunt entitates substanciales ; quia tamen per modum productionis , quatenus hæc actio est reducitur de potentia in actum , & exercitum quoddam virtutis activæ , æqualis , vel majoris perfectionis ac est effectus , sit quod hæc actio habeat sufficientem proportionem , ut causa principalis per illam producat principaliter effectum ; ad hoc enim attendenda est perfectio principij à quo actio egreditur , non verò entitas accidentalis ipsius actionis . Ita similiter in præsenti , ut comprehendatur aliquod objectum , attendendum est ad virtutem principij intelligentis à quo egreditur intellectio , & quod reducitur ad actum per intellectiōnem , & si ipsum est æqua vel superior respetto objecti , intellectio ab ipso producta & egressa , poterit esse comprehensio talis objecti , etiam si actio sit accidens , & objectum substantia . Sicut generatio , quamvis sit accidens , est principalis productio substantialis effectus , quia ipsa egreditur à causa principali , habente principiū & sufficientem virtutem in ordine ad illum effectum .

*Diss. 7.
art. 2.*

Ad ultimam , datâ Majori , & admisâ pro nunc opinione illâ probabili , quam in Traictatu de Angelis examinabimus , respondeo distinguendo Minorem : Modus cognoscens aut cognitionis Angeli inferioris , non adaequat modum cognoscibilitatis Angeli superioris , quantum ad rationem specificam immaterialitatis , concedo Minorem . Quantum ad gradum genericum , nego Minorem , & Consequentiam . Itaque juxta probabilem illam sententiam , quæ docet Angelum inferiorem comprehendere superiorem , ad comprehensionem sufficit adaequatio in immaterialitate cognoscens cum re cognita , in gradu generico immaterialitatis ; quæ æqualitas inter Angelum inferiorem & superiorem inveniatur ; cùm uterque physicam materiam excludat , in qua exclusione gradus immaterialitatis angelicæ cōsistit . Quod autem verum sit , loco citato examinabitur . Licet tamen admittatur , non sequitur posse posse Deum à creatura comprehendendi ; quia hæc ad gradum divina immaterialitatis nequic pertingere , cùm consistat in ratione actus puri , excludentis omnem potentialitatem ; omnis vero creatura potentialitatem includat .

§. VI.


Corollaria notata digna .

45. Ex dictis inferes primò , rectè D. Thomam h̄c art. 8. colligere à posteriori , quod beatitudinem divinam comprehendenter , si in ea omnes creature possibles cognoscerent : licet enim comprehensionis non consistat essentialiter in cognitione omnium effectuum , qui virtualiter in causa continentur , sed in adæquatione potentiarum cum objecto in immaterialitate , seu in eo quod tanta sit cognitione in ratione cognitionis , quantum fuerit objectum in ratione cognoscibilis , ut supra ostensum est ; tamen non stat cognitione omnium in essentia divina , ita ut essentia sit ratio ea cognoscendi , absque eo quod illa cognoscatur , quantum cognoscibilis est , ac proinde comprehendatur . Sicut non stat cognoscere in principio omnes conclusiones virtualiter in illo contentas , & illud non cognosci quantum cognoscibile est , etiam intensivè , ut rectè annotavit

Tom. I,

A Ferrariensis 3 , contra Gent . cap. 56 . & post illum Suarez lib. 2. de attributis cap. 29. num. 13. Hinc est quod apud SS. Patres , quos referit Petavius lib. 7. Theologicorum dogmatum , cap. 3. nomen comprehensionis frequentius explicari solet , per hoc quod est cognoscere in causa omnia que in illa virtualiter continentur , quam per hoc quod tanta sit cognitione in ratione cognitionis , quantum est objectum in ratione cognoscibilis . Nulla *Diss. 4.* ergo (ut obicit Heric in Traictatu de scientia *cap. 4.* Dei) est contrarietas in eo quod D. Thomas hic art. 7. affirmit requiri ad comprehensionem , quod cognitione in perfectione adaequetur cum objecto , seu tanta sit in ratione cognitionis , quantum est objectum in ratione cognoscibilis ; & tamen articulo sequenti docet sequei comprehensionem Dei ex cognitione omnium creaturarum possibilium in essentia divina tanquam in causa ; hac enim duo ad eo inter se connexa sunt , ut unum sequatur ex alio ; subindeque nihil mirum quod D. Thomas explicet comprehensionem aliquando uno modo , aliquando alio .

B Inferes secundò , Deum quatuor modis posse dici incomprehensibilem : scilicet loco , tempore , intelligentia , & amore . Loco , quia à nullo spacio vel loco creato aut creabili circumscribi potest ; sed ut ait Dionysius : *Omnis magnitudini extensis superfunditur , & supra expanditur , de divisione complectens locum , omnem excedens numeris nonum , omnem transiens infinitatem . Tempore , quia omnia excedit tempora , & ut loquitur idem Sanctus , est omnium aevum & tempus , ante dies , ante aevum , ante tempus . Cognitione , quia ut supra ostensum est , nullus intellectus creatus & creabilis , potest ipsum cognoscere , quantum cognoscibilis est . Denique amore , quia omnem amorem excedit , ita ut nulla mens creata ipsum , pro dignitate , aut beneficiorum quæ nobis contulit multitudo , & magnitudine , amare possit . Unde egregie Bernardus : Cūm ei donavero quid . serm . quid sum , quidquid possum , nonne istud totum est , de qua scit stella ad Solem , gutta ad fluvium , lapis ad montem , granum ad acerum ? Non habeo nisi minutata duo , immo minutissima , corpus & animam , vel potius unum minutum , voluntatem meam ; & non dabo illam ad voluntatem illius , qui tantus tantillum tantis beneficiis prævenit , qui totum se toto me comparavit ? Prima incomprehensibilitas competit Deo , ratione impenitatis . Secunda , ratione aternitatis . Tertia , ratione infinitatis , & summa immaterialitatis . Quarta demum , ratione summæ bonitatis & pulchritudinis ,*



DISPUTATIO V.

De objecto visionis beatifice .

C Vm actus specificentur ab objectis , non potest plenè & perfectè cognosci actus beatificæ visionis , nisi exponantur objecta quæ per illam attinguntur . Hæc autem duplicitis sunt generis : quedam enim sunt in Deo formaliter , ut essentia , attributa , & relationes ; alia solùm eminenter , ut creature possibles , existentes , vel futuræ , de quibus in hac disputatione agendum est , & breviter discutiendum , an , & quomodo , hæc objecta per visionem beatificam cognoscantur .

X ij